

釋淨土羣疑論卷第三

西都千福寺大德懷感撰

問曰。如无量壽經四十八弘誓言。設我得佛。十方衆生。至心信樂。欲生我國。乃至十念。若不生者。不取正覺。唯除五逆。誹謗正法。觀經言。下品下生者。或有衆生。造五逆十惡。無惡不造。經歷地獄。受苦無窮。臨命終時。逢善知識。教令稱佛。如是至心。令聲不絕。具足十念。

得生西方。何意二經俱造五逆。並有十念。得生淨土。有取有除。兩文不同。有何義也。釋曰。古今大德。釋此兩經。有十五家共解。此教一觀經取者。是懺悔人。壽經除者。是不懺悔人。二觀經取者。是輕心造逆人。壽經除者。是重心造逆人。三觀經取者。唯是造五逆人。壽經除者。是造五逆及謗法人。四觀經取者。是造逆類人。壽經除者。正五逆人。五觀經取者。是

發菩提心人壽經除者是不發菩提心人六
觀經取者是至誠念阿彌陀佛人壽經除者
是不至誠念阿彌陀佛人七觀經取者是十
信菩薩人壽經除者非十信菩薩人八觀經
取者非闡提人壽經除者是闡提人九觀經
取者是對已造逆人壽經除者是對未造逆
人十觀經取者是開門壽經除者是遮門十
一觀經取者說五逆業是不定業爲可轉時

壽經除者說五逆業是定業不可轉時十二
觀經取者燻頂位人壽經除者非燻頂位人
十三觀經取者種解脫分善根人壽經除者
是不種解脫分善根人十四觀經取者是第
二階人壽經除者是第三階人十五觀經取
者是唯具足十念人壽經除者是通具足十
念及不具足十念人問曰古今大德雖有十
五種釋爲當俱是亦有非耶釋曰諸家解釋

各有一途難分勝劣。其第一釋取是懺人除非懺者。一徵此釋未知念佛能滅罪不。若不
能滅者何因經言於念念中滅八十億劫生死之罪。若念佛能滅罪者何因言不懺悔遂
被除也。又觀經取逆經文何處有懺悔之語。准此以下諸說等一一徵詰未是全得經意。
經意者何觀經取逆經言具足十念以具十念卽得往生壽經除逆經言乃至十念以乃

至十念不得往生經既有乃至具足十念之言豈得由諸義也。且如下品上生下品中生稱佛念佛不言具足十念一念已上悉皆得生以罪少故不要滿十下品下生爲有逆罪經卽說言具足十念得生淨土壽經合此三品摠合而言乃至十念得生淨土經意說言若不造逆人不論念之多少一聲十聲俱生淨土如其造逆必須滿十關一不生故言除

也。此卽不造逆者不限十聲。若少若多俱生淨土。造逆之輩卽不得然。滿十卽得生。少便不往。此乃由此說除不關諸義也。古來大德雖釋今更爲茲異說耳。問曰。諸餘大德容可候解經文。信行禪師說是四依菩薩寧容於此。聖教亦有錯解釋。曰。信行禪師釋此兩經除取以二三階別取。失經旨歸。若依所解。便有太過失及太減失。太過失者第二階人亦

造五逆逆名是相應同是除也。太減失者第三階人不造五逆无文說除應等是取也。經說唯除五逆誹謗正法之言。此乃除入有過減之二過也。彼經應言唯除第三階衆生離於二失矣。此卽法藏比丘發斯弘願除入有過過減之過爲聖智不足而言不周悉耶。如法藏言无有咎卽禪師有謬解之愆。進退二途何以逃責。故當是凡者之失。非聖人之誤也。

諸三階師救言唯除五逆等言卽是除一切
第三階也。以第三階者並是純邪无正純惡
无善之人无始迄今有愆犯皆一切諸佛之
所不救十方淨土咸共擯弃故法藏言除五
逆等文卽是摠除一切第三階衆生盡也。難
曰此雖似釋太減之失而全未解太過之難
若謂觀經下品下生之人卽是解太過之難
者此救不然何者阿彌陀陳四十八弘誓願

於發心初住之前釋迦說十六觀經於妙覺
成道之後中間相去懸隔无量阿僧祇耶如
何招難於不可數劫之中雪過於下品下生
之日遠水近火何能相救也卽韋提未請之
前觀經未陳之日願中如逢斯難菩薩將何
解紛耶此救未爲除太過之失也。又一切第
三階人皆名造逆之者若過去身已受泥梨
之苦業與果畢非是逆人若以今生未有造

无間罪寧容三階之類成是五逆人若言皆是逆人卽應悉是邪定之聚无非生報之業終後定墮阿鼻亦不生餘惡趣不得入於佛法出家以具律儀无有不定聚人及有不定業者卽應涅槃經說一切衆生不定業多決定業少茲言謬矣斯救亦復未成除太減之失也禪師救曰今言悉是五逆之者未必現害二親出佛身血殺阿羅漢破和合僧現造

逆憊方名逆者但是其人根機極惡邪正俱邪善惡俱惡七憎七愛未離於六情五樂豈捨於三業既具十二顛倒五種之所不救雖非卽行其逆然是造逆根機是以用彼逆名摠除三階之類也難曰此雖似救太減之失亦全不救太過之難然此一釋便招七難一卽以能造逆故名造逆根機卽第二階人亦能造逆既起逆是同兩階何異斯一難也

階人根正能以善覆惡造罪便少第二階人
第三階人根邪能以惡覆善起過不等第二
階人

又禪師既稱第三階人即是五逆之者
有於十三遮難如何成大比丘但應是无戒
之人不得言破戒之者若謂但有根機而未
現造逆罪得成具戒之者彼既唯除五逆亦
是未造逆人如何言除三階即名造逆之者
斯二難也又第三階人未造五逆即名五逆
之者爲是邪定聚爲是不定聚若是邪定聚

者既未造逆如何即是邪定聚也若是不定
聚者如何言除五逆即是一切第三階衆生
斯三難也又未造逆人是造逆根機故即名
五逆之者亦可具淨戒人是可得聖者雖未
證聖道應亦名爲聖人若言我是聖人便成
正定聚應捨異生之性又成波羅夷罪何名
持戒人斯四難也又觀經言取五逆即是已
造逆人願中除五逆豈約根機說也以此兩

經相望故非是彼根機斯五難也。又第三階人雖未造逆以是根機故名爲五逆人亦可。第二階人縱令造於五逆以非逆根機故應非五逆人耶。斯六難也。若言第二階人亦約根機爲造逆者卽應下品三人同成一品之過爲並不造五逆俱是五逆根機又應花開无早晚之殊減罪有少多之別斯七難也。注經說善男子如來說法爲衆生故有七種語一因語二異語三因果語四喻語五不應說

語六世流布語七如意語今約根機說除爲當何者之語若說因語此亦非是因語縱是因語作斯除而何益也又有釋彼除五逆經言不造五

逆第三階人非是不得生於淨土然須行於普法方始生彼西方也如造於逆憊縱行普法而不往故法藏弘願唯除第三階造五逆者若其第三階衆生造五逆者縱令行於普法亦不得生淨土如其不造五逆行普法定得往生是以禪師智慧廣弘慈悲厚愍此第

三階沈淪穢土受生故開普真普正法門接引純邪純惡之輩使學當根佛法皆令生彼西方此乃法藏之所不論釋迦之所不說禪師獨開此教被彼第三階人故曰說諸佛不說之經度諸佛不度之者我等欣聞集錄頂戴受持更不讀誦衆經披尋改年歷日哀哉汝等固執前非還復讀彼別經造其地獄之罪故知善星受持法藏永劫沈淪不輕但行

普教清昇彼岸此由學不學當根佛法損益於此天懸于不能鑒此是非但知專行別法錯則錯矣生无由生今爲此釋可當除其惑也責曰雖彼重申此解更足深疑再陳徵難以希高判也難曰此雖似釋大減之失亦全未解太過之難未知乃至十念之言爲是普法爲是別法若是普法者此十念言但是十念何弥陀佛此念別佛如何是彼普耶難又

若普者即是第三階法何因判此經等爲第二階之教耶難二又若普者此與觀經下品下生具足十念稱阿彌陀佛有何差別而觀經十念是別法願中十念是普法同是一言遂成二別難三又普法能救第三階人卽唯救不造逆者何爲別法能救第二階者亦救造逆之人耶爲是第三階人造逆竟无得滅罪之義而不得往生也爲是亦得滅除但曾造逆

人不合生於淨土請開演也難四若此十念是別法者第三階人逆與不逆修行別法悉不得生此以別法除人除人還招過滅之過何但除人有過滅之過亦乃取人致多少之僣進退二途難逃重責也難一則彼願應言設我得佛十方衆生至心信樂欲生我國修行普法若不生者不取正覺唯除第三階造五逆及誦正法者此卽陳於普教文義顯然卽除

取二類三階及簡二階造逆之徒皎然无惑也。但菩薩陳此願門極取捨之幽鍵欲令未來學者於茲定去留如也。斯門說普即取捨之義便周如也。斯門說別即去留之人不盡若於此進退兩關不見陳於普法縱令餘處有說何救斯文之失。若言有異意趣於茲不合說普請願陳於妙術敢欲詳其要道也。難二又法藏比丘如經所讚是大菩薩十地聖人

非是地前三賢大士此即悲智具足廣攝衆生如何發大誓願接引有緣極惡衆生令生淨土乃唯以別法發願救茲第二階人不普法立誓遂除第三階者難三爲是第三階人竟无往生之分法藏爲同敗種而願不攝彼耶

四爲是亦合難得生而法藏不能解垂其普

救救彼第三階者除而不取其人耶難五爲復

解而不說情法不救衆生悲心不及此人不

攝令生淨土也。

六難

爲是雖具悲智直爲此類

難化成我今不能度彼付與信行禪師

七難

爲

是第三階者菩薩無緣唯有弘誨禪師有緣

偏能救度且夫大唐內逢禪師之教者可得

生於西方東西二洲五天竺國三千刹土百

億四天下第三階衆生無逢禪師之教者將

何以生淨土也。

八難

則法藏解行未圓容許攝

生不盡釋迦既成正覺何因不度斯人卽四

弘之願不周四恩之意不盡遺棄重病之子

何名徧怜者哉空言所應度者皆以度訖其

未度者皆亦已作得度因緣斯言謬述也而

子但欲讚禪師於上聖之上抑世尊於下凡

之下不覺此言成大失也。

又佛爲第二階衆生說觀經等教三

千世界第二階人依此教門修行悉得生於

淨土佛不爲第三階衆生別說普經一卷諸

佛同說舌證法藏大士復不別發普願爲此
第三階人百億四天下所有三階衆生不逢
三階人錄並不生淨土雖復讀誦衆經不
是四階菩薩難解珠拾普教咸悉流浪空婆

故知佛世爲第三階，衆生別說普經一卷，令
无信行禪師之處，衆生生於西方世尊不說
此經深成。又无量壽經是於別教大師以慈
大失也。

悲經道滅盡特留住世百年，何因普教當未
運不留普法化生，別教教非惡時乃留別經，
損物大悲救苦之主，豈宜如此逗機，難何但
釋迦如來不解救第三階人，亦乃十方恒沙
諸佛舒舌證其別法，唯救第二階者不舒舌，
證其普法濟彼第三階人，耶寧容大聖世尊

十方種覺具一切智一切種智恩行四等悲
同一子咸共匿茲普法不救斯人者哉，況教
被三千化流百億四十八願遍滿十方，始於
輪王發心於初恒沙阿僧祇劫之前，終於觀
音補處爲第二恒沙阿僧祇劫之後，發茲弘
大誓願十方諸佛所證方欲暨該三界橫亘
四生而不及彼三階，遂乃除而不取也。諸佛
菩薩以聖智觀察知彼不得往生，无法可以

濟度罷以正法教手拔之令出淤泥而信行
禪師更能垂巧方便陳於普真佛法救得第
三階人卽慈悲勝於釋迦智慧過无量壽卽
於无上調御翻成有上世尊无等等者使成
過等正覺卽信行禪師乃應勝佛者也又難
曰若言由逆有二三階殊也已分除取不由
念有少多以明除取者何因除逆之處便安
乃至十念之言取逆之處卽置具足十念之

語何故不於除逆之處安第三階人之名取
逆之處置第二階人之語大師何爲不須之
語強安乃至十念之文須說之言竟无二三
階字禪師救曰觀經九品者至廣之別說也
謂九品生人善惡別說故於最下惡人不說
一念之法一念是善人，生法別說惡人生法是故特
言具足十念也具足者對闕之言，必須念數為十也壽經兩段
極略之摠言也謂下三品生人善惡合說言

含多少之法。義摠善惡之人也。是以前乃至中。卽有一念善人之法矣。後乃至中。亦有十念惡人之法矣。善惡多少。一舉摠包。故曰摠也。懸言乃至不舉。初辭故爲極略也。卽前言乃至十念者。從一向十之辭也。辭終言十。卽初從一起懸。超其九。故此文中必具一念善人之法也。後言乃至一念者。從十向一之辭也。辭終言一。卽初從十起懸。超餘九。故此文

中必具十念惡人之法矣。故僕以爲下乃至中。必有十念。十念之法。施於惡人。惡人位中。邪正相雜。是故簡言除逆誦矣。何關由一念少故。除逆誦哉。難曰。且有逆无逆。爲善惡二人。二階三階。分邪正兩品。豈不邪正兩位。咸有善惡。二人耶。惡人位中。邪正相雜。是故簡言除逆誦矣。亦可善人位中。邪正相雜。何不簡言除非逆誦矣。而乃以非邪惡人之類同。

於邪惡之人齊於十念之下雷同說除者也
又言一念與十念極略之言善人法中取正
善人不除邪善人何由惡人法中取正惡人
而除邪惡人耶又惡人法中取正惡除彼邪
惡及邪善亦可善人法中取正善除彼邪善
及邪惡又善人法中唯論取合除邪善不言
除何爲惡人法中亦論取合除邪惡卽論除
又邪惡應於惡處除經卽不於善處除邪善

應於善處除何爲乃於惡處除又善人法中
邪善人乃得名爲邪惡類何不惡人法中邪
惡類而亦得名邪善人又惡人法中有邪正
經取其正除於邪何不許正人法中有善惡
經取善人除惡者又壽經十念取正惡卽說
除其邪惡人何爲觀經十念取正惡不說言
除邪惡者又兩經俱說於十念壽經說取亦
論除何不兩經俱陳非十念壽經說取亦說

除禪師等雖欲強救信行禪師釋此兩經將
爲妙解既妨難糾紛衆疑競起此非妙釋請
學者知焉禪師又難言若一念法少言除逆
者既有十念多法何因誦除者哉答曰此非
難也佛意欲明臨命終人若能稱佛一聲二
聲乃至能稱九聲十聲悉得往生極樂世界
唯除五逆誦正法者此經之意欲顯命終之
人若能念佛一聲其命已過或念至十其命

已終並能得生淨土以佛意欲顯无逆之輩
多少俱生有逆之儔少卽不生要須滿十方
得往生簡彼无逆之人通能多少俱往故言
除逆誦正法何關邪逆者哉若一切衆生至
臨終日始逢善友教令念佛悉滿十聲可如
彼責容許不滿十念其命已終寧遣逆人不
言除也

問曰大集月藏分言佛滅度後第一五百年

我諸弟子學慧得堅固第二五百年學定得堅固第三五百年我諸弟子學多聞得堅固第四五百年造立塔寺得堅固第五五百年白法隱滯多有諍訟微有善法得堅固今勸修十六觀及念佛三昧此並是定慧法只應合初二五百年中修學此法何因今日勤修學耶今三階學者多引此文證第三五百年已後不合學定何因今勸學修十六觀及念

佛三昧也釋曰十六觀與念佛三昧有淺有深深卽於四靜慮未至中間禪於修慧中作十六觀及念佛三昧淺卽依欲界聞思慧心攝念作意亦得修十六妙觀作念佛三昧故觀經言如此想者名爲粗見極樂國地若得三昧見彼國地了了分明不可具說故知想成粗見爲欲界聞思心也得三昧明見爲色界修慧心也初二五百年解脫禪定得堅固

者此據色界修慧定心也若聞思心想成者
通第二第三等五百年也不然者何因賢護
經第三卷說賢護我滅度後此三昧經於閻
浮提四十年中廣行於世而後五百年末一
百歲中正法滅時持戒損滅時破戒熾盛時
諸國相伐時如是等時此三昧與復當流布
於閻浮提所謂佛威神故故令彼等於我滅
度後聞此經已歡喜書寫讀誦受持思惟其

義爲他解釋如說修行又第二卷說言賢護
斯諸善男子善女人往昔已於諸如來前聞
是三昧讀誦受持以是義故如來滅後於最
末世五百年終法欲滅時法將壞時還當得
聞如是三昧聞卽生信无有驚疑不退不沒
生大歡喜遍滿身心讀誦受持思惟其義爲
他解說乃至一日一夜行是三昧故知此最
後言卽是第五五百年終後行此三昧如何

乃言第二五百年後非是學此三昧時也而
信行禪師乃於三階集錄之中浪陳興廢言
千年已後唯合行普不合行別遂將念佛三
昧等為不當根佛法義當廢教非是學時何
其謬矣

問曰大集月藏分第十卷云娑婆世界誹謗
正法毀此賢聖眾生十方一切清淨佛土共
所擯弃故知此經擯弃眾生卽第三階人不

合得生淨土如何今日遣彼三階惡人同於
初二階者言俱得生淨土者哉釋曰若如三
階禪師作此難者未知娑婆世界第二階人
許誹謗正法毀此賢聖不若許誹謗正法毀
此賢聖為擯弃不若許擯弃為得生淨土不
若不得生何因禪師將此經文偏證第三階
者不得生耶若得生者此人既誹法毀賢聖
卽當擯弃何因得生淨佛土耶若謂第二階

人不謗法毀賢聖。卽无擯弃故得生者。何爲得造闡提。而不得謗法也。若謂得謗法毀聖。而淨土不擯。故得生者。請出聖教。有何經文。若謂雖謗法毀賢聖淨土所擯。然根正過輕。而得生者。何爲彼經言。弃此經。便取又一切第三階人。悉唯居在娑婆世界。咸悉謗法毀賢聖耶。若悉毀謗者。在於胎藏初生嬰孩。豈能謗正法毀賢聖耶。若許亦有第三階人。不

謗法毀聖。此卽不當擯弃之限。何因亦言不生淨土。而引此經爲其證也。若謂今生雖未毀謗過去。皆悉曾毀謗者。寧知第二階者。不曾謗毀耶。若謂此經之意。欲顯第三階者。純邪无正。謗與不謗。咸擯不得往生。第二階人。亦邪亦正。毀與不毀。咸悉得往生淨土者。此之聖教。還有太過太減二失。太過失者。浪擯第二階謗毀人也。太減失者。謗不弃第三階。

不謗毀人也。禪師宗途引文解義常與聖教一倍相違。下愚未敢見其能處也。

問曰：依佛藏經及諸律等說，破戒比丘等釋迦牟尼佛以手遮約，非我弟子。我非彼師，不許踐僧伽藍之足跟地。如斷多羅樹不可再生。又如折石不可還合。佛法大海不受破戒尸屍於一切法事畢不足僧數。清淨布薩之處不得預中十方僧食。佛不許食用信施物。

悉成重罪。國王大地水乃至不許飲其一滯。於此出家衆中僧伽藍內佛尚不許容身名爲賊行賊住。況諸佛淨土純是聖人。而此惡人得與一生補處俱會一處也。將恐此義定不得生也。釋曰：准依經律等皆有開遮二門。大小兩教前說後說與奪不同。不可直信呵嘖之門。先遮之教不信。觀經大乘滅罪之教。彼已前經律等是遮門。或小乘經或是呵嘖。

之語或對未生慚愧懺悔罪愆之人或是未發菩提之心樂求生死五欲或是樂居雜染穢土輪轉三界受身或是如來若不先說罪門衆生无心怖罪恒造諸惡故須先說重儆勸不造罪破戒或據雖復罪滅亦可免墮泥犁戒根已壞不可食用僧物今淨土教法是發菩提心深生慚愧懺悔往罪改修來善樂離三界欣生淨土乘佛本願罪滅福生深怖

當來惡道苦報隨順佛教斷惡修善於佛法內是第二健兒作已能悔諸佛所讚雖於釋迦牟尼佛持戒清淨海中成於破戒死屍然於阿彌陀佛淨土中得作下品中生成阿鞞跋致也故此佛呵其破戒彼佛讚言罪滅此佛不攝受彼佛卽來迎猶如父母教示男女一呵其罪或現瞋打一與濡語令其改悔諸佛亦爾或弃或取悉欲成就利益衆生故

言及濡語皆歸第一義也。亦如犯重比丘律中訶擯毘羅尼經說誦神咒罪滅戒生勸令誦咒開遮不同訶讚有異涅槃經言未入我法名決定業已入我法名不定業此亦如是應依取捨。

問曰。無量壽經說於未來世經道滅盡我以慈悲哀愍特留此教止住百年未知定用何時經道滅盡也。釋曰。如三階禪師等咸以信

行禪師是四依菩薩於諸大乘經中撰集三階集錄言。今千年已後第三階衆生唯合行普真普正佛法得生十方佛國若行別真別正佛法及讀誦大乘經等卽是不當根法墮於十方地獄。今無量壽經等卽是別真別正是第二階佛法。千年已前合行此法。千年已後既無此機。斯教卽廢。縱令住世百歲只合千一百年故。釋經道滅盡特留此經止住百

歲者是正法千年之後百年者也何以知之如不輕菩薩於像法增上慢四衆中出世不專讀誦經典但行禮拜故知正法滅後增上慢盛時不得學別讀別誦但別得學普卽其文也由學普故得六根清淨更增壽命此卽學當根普法益善星是三階人爲讀誦十二部經墮大地獄此卽是損大有三階行者同爲此解細尋此義理必不然何者若以千年

已後正人斯盡唯是邪惡第三階人唯合行普真普正佛法不合行別真別正佛法及讀誦大乘經等如其行讀誦等者卽墮十方阿鼻地獄此卽如來惡心憎嫉第三階人留其別真別正佛法令其錯讀使墮阿鼻地獄何關慈悲哀愍特留此經住世百年若以普真普正是當根者佛說普法之後何因不說慈悲哀愍特留住世百年耶若言普法非佛所

說故禪師是說諸佛不說之經度諸佛不度之者禪師非佛何能說經耶又何因言依諸大乘經撰集三階集錄若諸大乘經有普教別教普教不言特留乃是今時佛法別教經言止住而學不當根反大聖之慈悲異如來之化導既無聖教孰弁正邪若引不輕不讀誦經卽證像法之中增上慢時不得讀誦經者何因不輕菩薩臨欲終時具聞威音王佛

先所說法華經二十千萬億偈悉能受持得六根清淨更增壽命二百萬億那由他歲廣爲人說是法華經若第三階人不得聽讀大乘經何爲不輕比丘爲增上慢人說法華經令彼聽受作墮十方阿鼻地獄因也又藥王菩薩願於佛滅度後當奉持讀誦說是經典後惡世衆生善根轉少多增上慢貪利供養增不善根遠離解脫雖難可教化我等當

大忍力讀誦此經持說書寫等何因藥王菩薩於多增上慢時說法華經又般若經後五百歲能持是經又言於後末世有受持此經所得功德等又賢護經最後五百歲讀誦是經等寧容千年之後別法廢時不合讀誦大乘經典勸諸學流審諦聖旨勿得自誤復誤餘人令諸大乘微妙經典絕行於世將爲毒藥是地獄因滅正法眼何其顛倒可傷之甚

有釋經道滅盡依大悲經正法千年像法千年末法萬年萬年之後經道滅盡特留此教更住百年此刀兵劫時人多造惡所執艸木悉成刀劍互相殺害瞋毒熾盛人壽十歲身長二肘於此時中更不能修諸餘甚深戒定慧學唯能念佛厭此娑婆三災五濁極苦惱處願生西方安樂世界故佛知此時衆生苦重能生厭離故以慈悲特留此經於諸經後

止住百歲在刀兵劫。利益有情。又有釋言。如尊者慶友說法住記言。此佛法刀兵劫後。人心厭惡。咸起慈心。不相殺害。共相怜愍。如父如子。命漸增長。至滿百年。十六大羅漢。三明白通具八解脫善閑三藏十二部經。受佛付囑。住持正法。利益衆生。不般涅槃。并餘眷屬。大羅漢萬餘。徒衆遠。以如來三藏教法流行於世。化導群生。造寺度僧。修戒定慧。佛法熾

盛。至增人壽六萬歲。末七萬歲。初諸阿羅漢。摠集如來所有舍利。共造寶塔。十六阿羅漢。與諸眷屬。遶塔供養。散諸香華。瞻仰禮已。俱昇虛空。作如是言。敬禮世尊釋迦如來。應正等覺。我受教敕護持正法。及與天人作諸饒益。法藏已沒有緣已。周今辭滅度。說是語已。一時俱入无餘涅槃。其舍利塔便陷入地。至金輪際方乃停住。其三藏教在舍利前。先已

滅沒經一百一十年。唯此淨法與舍利塔及諸阿羅漢一時滅沒。今時世尊釋迦牟尼無上正法於此三千大千世界永滅不現。從此無間。此佛土中有七萬俱胝獨覺一時出現。其人壽量八萬歲時。獨覺聖衆復皆滅度。次後弥勒出現。世間還爲衆生說淨土教。令無量衆得生淨土。如是展轉賢劫千佛及後諸佛出興於世。皆說淨法勸生西方。乃至十方亦復

如是其阿彌陀佛壽命無量阿僧祇劫未滅度來十方世界諸佛出現對彼阿彌陀佛有緣衆生皆說淨法勸生淨土。故此經道滅盡特留百年。當此時也。問曰。無量壽經說於未來世經道滅盡。我以慈悲哀愍特留此經。止住百歲。然一切經教皆化物利益衆生。讀誦受持咸滅重罪。乘聞正法皆得離苦。何爲餘大乘經悉皆隱沒。唯留此教止住百年。釋曰。

大聖世尊出興於世一音說法各隨類解聞法悟道。衆若塵沙或得四道果或獲无生法。忍或離三惡趣。或生人天淨土。或益及一時。或遐沾遠代。衆生宿有聞法善根。逢佛真教。受持讀誦。咸得利益。衆生薄福感化緣絕。所有聖教皆隱。龍宮所有法衣不受。染色布薩。羯磨說戒受戒悉皆不成。甚深大乘真如實相平等妙理。非彼所知。故先隱沒不行於世。

唯有念佛易修。易學淺識凡愚猶能修習。技濟苦難。利益弘深。尚有此機。堪行斯法。大聖悲愍特留百年。以此經文。准知佛法漸滅。衆生福薄。唯茲淨教。特益此時。故以法驗時。誠是當根。佛法故觀經數處。皆言爲未來世一切衆生。說是教法。請諸道俗。尋此聖教。驗彼當根。无得信於人語。不依佛語也。

問曰。十輪經說造十惡輪罪。一切諸佛之所

不救既言不救如何念佛亦令罪滅得生西方若得生者此是救何名一切諸佛不救也釋曰此不救言爲是怖諸造罪之者如來密意欲令畏罪不敢爲非恐造斯愆永沈苦海佛既不救遂不行非故言不救耶爲對此人造斯重罪造已无慚愧懺悔佛對於彼欲令懺悔言不救耶爲是此罪實懺悔不滅若造此過諸佛不救耶復未知此罪第二階人亦

得造斯十惡輪罪不耶若言不得何爲第二階人能造五逆而不能造十惡輪罪耶若造而不救此顯第二階人亦不得生淨土何因偏以此而證第三階人不得生於淨土耶若造而亦救經文但言造此罪者諸佛不救寧得第二階人造此輪罪而蒙佛救耶禪師以何道理言此十惡輪罪一救三不救二生三不生經文无簡既許俱爲何意言救偏言第

二此乃人解佛語非大聖教添意釋經不當
聖旨計尋念佛重罪皆除五逆十輪悉皆消
滅五逆經言定業此定罪既滅除十輪稱佛
不救何廢阿弥陀迎接若如禪師執文迷義
於理未通請尋斯旨以祛疑滯也

問曰如佛藏經第三卷云有佛號大莊嚴滅
度之後百歲之中諸有弟子分爲五部一名
普事二名苦岸三名薩和多四名將去五名

跋難陀是五比丘爲大衆師其普事者知佛
所說真空義无所得法餘四比丘皆隨邪道
多說有人是普事比丘所說空法有六十八
億那由他人已入涅槃是四惡人多令在家
出家住邪徑捨第一義无所有畢竟空法貪
樂外道尼捷子論是四惡人所有弟子常相
隨迹乃至法盡爾時在家出家弟子多墮惡
道不至善道滅佛正法又是惡人命終之後

墮阿鼻地獄。仰臥。伏臥。左脇臥。右脇臥。各九
百萬億歲。於熱鐵上。燒燃焦爛。死已。更生。灰
地獄。大灰地獄。等活地獄。黑繩地獄。皆如上
歲數。受苦。於黑繩地獄。死。還生阿鼻大地獄。
中。若在家出家。親近此人。并諸檀越。凡有六
百四萬億人。與此四師俱生俱死。在大地獄
受諸燒煮。劫火若燒。是四惡人。及六百四萬
億人。從此阿鼻轉生。他方在大地獄。無數百

千萬億那由他歲。受大苦惱。世界還生。還生
此間大地獄中。久久。雖免地獄苦惱。得生人
中。於五百世。從生而盲。後得值一切明佛。是
人於一切明佛法中。出家。十萬億歲。勤行精
進。如救頭燃。不得順忍。況得道果。命終之後。
還生阿鼻大地獄中。已先起重不善業緣。於
後得值九十億佛。於諸佛所。不得順忍。何以
故。佛說深經。是人。不信。破壞。違逆。破毀。賢聖。

持戒比丘出其過惡起破法業因緣法應當
爾彼經既明不淨說法等十萬億歲精進如
救頭燃不得罪滅命終之後還生阿鼻大地
獄中如何念佛功德一聲十聲卽得罪滅往
西方也釋曰由五勝故雖復暫念佛名滅罪
生信過彼十萬億歲如救頭燃修道滅罪言
五勝者一發心勝二求生勝三本願勝四功
德勝五威力勝發心勝者此下品人是大乘

根性人發大乘心彼是小乘人今爲發大乘
心一念超過二乘心无量百千億劫故速滅
重罪二求生勝者今此一念念佛願生淨土
彼雖修道如救頭燃是小乘心不信有十方
諸佛淨土爲无求勝生故罪不滅此爲求勝
生故罪速滅也三本願勝者以阿彌陀佛本
發殊勝大願引一切重罪衆生稱我名者罪
皆消滅衆生今日雖造重罪與過去久遠善

根純熟故能一念卽得罪滅也四功德勝者
前小乘行但作四念處觀不能滅无量罪今
念佛一聲能除八十億劫生死重罪功德无
量如經具說故一念念佛功德勝彼十萬億
歲如救頭燃作五停心觀四念處觀也五威
力勝者同性經說佛有十地阿彌陀佛是佛
初地功德威力稍異常徒故威力加持念佛
修行者定得往生不同餘類也

釋淨土群疑論卷第三

四等 諸餘大德現本無 ○四葉 亦造五逆逆名是同現本

無逆名五葉 ○左 雪過於乃之日雪字現 ○未有造无本

間罪有字現 ○六葉 太滅之失也現本無 ○九葉 固執石

前非固字現 ○七葉 由學不學現本無 ○子不能石

鑿現本 ○十葉 為是第右

三階人乃請開演也此四十二字現 本書小字 ○

還招過滅之過現本 ○十一葉 皎然无惑也皎字

於茲定去留茲字現 ○進退兩關關字現

且夫大唐乃生淨土也此五十三字現 本書小

群疑論卷三

字元逢禪師之達字 ○則法藏解行解字現 ○十二葉 下凡之下

現本 ○佛不為第三階衆生三字現 ○三階集

錄並不得集並現 ○故知佛可可字現 ○之處

衆生現本 ○大師以慈悲現本無慈 ○時

當未運禾字現 ○又難曰現本無 ○十五葉 義總善

惡義字現 ○一舉摠包現本無 ○故僕以為僕

現本 ○學多聞堅固現本 ○賢護經第

三卷說現本 ○故令彼等現本無 ○又

第二卷說言現本 ○賢護斯善男子現本

十方一切現本 ○偏證第三階者

現本無十一 何為彼經言弃經字 現本無十一 還有太

過太滅現本脫 定不得生也也字 現本無十一 皆有

開遮二門現本無 一與湍語一字現 皆

歸第一義也也字 善教不言特留現本無 皆說淨法現本無

不得讀誦經者現本無 皆說淨法現本無

為對此人造斯重罪造已造字下斯重

若如禪師如字現

住邪徑徑字現 與

有六十八億現本無

過久遠現本此下有無量劫來於阿彌陀佛本願

能一念即得罪滅現本無 不能滅無量

罪現本此下有如經具說故一念念佛功德滅罪

今念觀不能滅無量罪二十二字今依多本則

之